

ТӨМӨР ЗАМЫН БАРИЛГА БАЙГУУЛАМЖИЙН АЖЛЫГ ЭХЛҮҮЛЭХ ҮРГЭЛЖЛҮҮЛЭХ, АШИГЛАЛТАД ОРУУЛАХ ЖУРАМ

Нэг. Нийтлэг үндэслэл

Энэхүү журмын зорилго нь өмчийн төрөл, хэлбэр, хөрөнгийн эх үүсвэр харгалзахгүй Монгол Улсын нутаг дэвсгэрт баригдах төмөр замын барилга байгууламжийн ажлыг эхлүүлэх, үргэлжлүүлэх зөвшөөрөл олгох, байнгын ашиглалтад оруулахтай холбогдсон харилцааг зохицуулахад оршино.

Төмөр замын суурь бүтэц, салбар зам, төмөр замын объект барилга байгууламжийг ашиглалтад оруулах үйл ажиллагааг зохион байгуулахдаа Төмөр замын тээврийн тухай хуулийн хорингуравдугаар зүйл болон энэ журмыг баримтална.

Энэ журамд хэрэглэсэн нэр томъёог Төмөр замын тээврийн тухай хууль төмөр замын тээврийн дүрэм, журам, үндэсний стандартад заасан утгаар ойлгоно.

Энэ журмаар зохицуулагдаагүй харилцааг холбогдох хууль болон бусад дүрэм журмаар зохицуулна.

Төмөр замын барилга байгууламжийн барилгын ажлыг Төмөр замын тээврийн тухай хууль, төмөр замын тээврийн дүрэм, журам, стандарт, норм норматив, зураг төсөл, техникийн шаардлага болон бусад холбогдох хууль тогтоомжид нийцүүлэн гүйцэтгэнэ.

Хоёр. Төмөр замын барилга байгууламжийн ажлыг эхлүүлэх, үргэлжлүүлэх зөвшөөрлийн хүсэлт гаргах, зөвшөөрөл олгох, татгалзах

2.1. Төмөр замын суурь бүтэц, салбар замын барилга байгууламж шинээр барих өргөтгөх бусад төрлийн суурь бүтэц, авто замтай огтлолцуулах ажлын зөвшөөрлийн хүсэлтийг төмөр замын тээврийн асуудал эрхэлсэн төрийн захиргааны төв байгууллагад гаргана. (цаашид “төрийн захиргааны төв байгууллага” гэх);

2.2. Хүсэлт гаргагч нь төмөр замын барилга байгууламжийн ажлын зөвшөөрлийн хүсэлтэд энэ журмын долоодугаар хавсралтад заасан баримт бичгийг хавсаргасан байна.

2.3. Төрийн захиргааны төв байгууллага нь хүсэлтийг хүлээн авснаас хойш ажлын 10 өдөрт багтаан шийдвэрлэх бөгөөд хүсэлтийг хянах явцад шаардлагатай бол холбогдох байгууллагаас тодруулга авч болно.

2.4. Төмөр замын барилга байгууламжийн ажлын зөвшөөрлийг энэ журмын нэгдүгээр хавсралтад заасан загварын дагуу 2 хувь үйлдэж, хүсэлт гаргагчид 1 хувийг олгож, үлдсэн хувийг архивт хадгална.

2.5. Төмөр замын барилга байгууламжийн ажлын зөвшөөрлийн гэрчилгээнд энэ журмын хоёрдугаар хавсралтад заасны дагуу хугацаа сунгалтыг тэмдэглэж, бүртгэл хөтөлнө.

2.6. Төмөр замын барилга байгууламжийн ажлын зөвшөөрлийн гэрчилгээг барилгын ажлын батлагдсан төлөвлөгөөний хугацаагаар олгоно.

2.7. Захиалагч барилгын ажлын явцад дараах өөрчлөлт гарсан тохиолдолд Төмөр замын тээврийн тухай хууль болон төмөр замын тээврийн дүрэм, журамд заасны дагуу зохих арга хэмжээг авч, зөвшөөрөл олгосон байгууллагад тухай бүрт нь мэдэгдэнэ.

2.7.1. Төмөр замын барилга байгууламжийн ажлын зөвшөөрлийн гэрчилгээнд заасан мэдээлэл, зураг төсөлд өөрчлөлт орсон;

2.7.2. Гүйцэтгэгч, техник технологийн хяналт хэрэгжүүлэгч өөрчлөгдсөн;

2.7.3. Гүйцэтгэгчийн тусгай зөвшөөрлийн хугацаа дууссан;

2.8. Хүсэлт гаргагч байгууллага нь ажил эхлүүлэх, үргэлжлүүлэх зөвшөөрлийн хугацаа дуусахаас 30 хоногийн өмнө төрийн захиргааны төв байгууллагад сунгах хүсэлт хүргүүлнэ.

2.9. Зөвшөөрлийг сунгуулах тухай хүсэлт ирүүлээгүй бол зөвшөөрлийн хугацаа дуусмагц гэрчилгээг хүчингүйд тооцно.

2.10. Баримт бичгийн бүрдэл дутуу, эсхүл хуурамчаар бүрдүүлсэн нь тогтоогдсон тохиолдолд ажил эхлүүлэх, үргэлжлүүлэх зөвшөөрлийг олгохоос татгалзах ба албан бичгээр хүсэлт гаргагчид мэдэгдэнэ.

2.11. Зураг төсөл зохиогч нь захиалагчтай байгуулсан гэрээний үндсэн дээр зураг төсөл зохиогчийн хяналтыг хэрэгжүүлэх, зураг төсөл зохиогчийн хяналтын нэгдсэн дүгнэлтийг гаргах бөгөөд барилга угсралтын ажил гүйцэтгэхгүй.

2.12. Төмөр замын барилга байгууламжийн ажлын зөвшөөрөл зохих ёсоор олгогдоогүй үед барилгын ажил гүйцэтгэхгүй.

Гурав. Төмөр замын барилга байгууламжийн барилгын ажлыг үргэлжлүүлэх

3.1. Барилга угсралтын ажлыг хяналтын болон эрх бүхий байгууллагын шийдвэрээр 1 жилээс дээш хугацаагаар зогссон бол энэ журмын 2.1-д заасны дагуу барилгын ажил үргэлжлүүлэх зөвшөөрөл авна.

3.2. Энэ журмын 3.1-т заасан шалтгаанаар барилгын ажлыг үргэлжлүүлэх зөвшөөрөл авах хүртэлх хугацаанд суурь бүтэц, салбар зам, төмөр замын объект барилга байгууламжийг хамгаалалтын горимд шилжүүлэх ажлыг захиалагч хариуцна.

3.3. Төмөр замыг барилгын ажлын үед дараах тохиолдолд төмөр замын ул шороо замын чигжээсийг тогтворжуулах ажлын түр хөдөлгөөнд ашиглана. Цаашид /“ажлын түр хөдөлгөөн” гэх/

3.3.1. Суурь бүтцийг ажлын түр хөдөлгөөнд ашиглах тохиолдолд суурь бүтцийн техникийн байдал нь доорх шаардлагыг хангасан байна:

3.3.1.1. Ул шорооны овоолго, сэтэрхийн налуулгыг тогтворжуулж, ус зайлуулах төхөөрөмж суурилуулсан байх, ул шороог төслийн төвшинд хүргэсэн байх;

3.3.1.2. Хиймэл төхөөрөмж нь түр ашиглалтын хугацаанд энэ хэсгээр явах хөдлөх бүрэлдэхүүнийг тогтоосон хурдаар явуулах нөхцөлийг хангасан байх;

3.3.1.3. Төмөр замын дээд бүтэц нь 20 см-ээс багагүй зузаантай чигжээсний үе дээр тавигдсан байх;

3.3.1.4. Дохиолол, холбооны байгууламж нь галт тэрэгний хөдөлгөөн зохицуулахад мөн галт тэрэг болон өртөө хоорондын холбоо, дохиололд /өртөөнд сумын постын холбоонд/ ашиглах боломжтой байх;

3.4. Байнгын ашиглалтад өгөхийн өмнөх зүгшрүүлэлтийн тээвэр эхлүүлэхийн өмнө замын дээд, доод бүтэц, байгууламж нь холбогдох үндэсний стандартын шаардлагыг хангасан байна.

3.5. Байнгын ашиглалтад оруулахын өмнөх зүгшрүүлэлтийн тээврийг захиалагч зураг төсөл зохиогч, техник технологийн хяналтын зөвлөх үйлчилгээний байгууллагын санал дүгнэлт болон зориулалтын зам хэмжилтийн вагон лабораторын шалгалтын үр дүнг үндэслэн төрийн захиргааны байгууллага шийдвэрлэнэ.

Дөрөв. Шинээр болон шинэчлэн сайжруулсан төмөр замын суурь бүтэц салбар зам, төмөр замын объектийг ашиглалтад оруулах хүсэлт гаргах хүсэлтийг шийдвэрлэх, ашиглалтад оруулах

4.1. Захиалагч төмөр замын суурь бүтцийн барилга байгууламжийг ашиглалтад оруулах хүсэлт гаргахдаа Төмөр замын тээврийн тухай хуулийн хорингуравдугаар зүйлд заасан баримт бичгийг бүрдүүлж, техникийн комисс ажиллуулан дүгнэлтэд заасан зөрчлийг арилгах арга хэмжээ авсан байна.

4.2. Төмөр замын барилга байгууламжийг ашиглалтад оруулах хүсэлтийг Тээврийн асуудал эрхэлсэн төрийн захиргааны төв байгууллага хүлээн авч Төмөр замын тээврийн тухай хуулийн хорингуравдугаар зүйлд заасны дагуу зохион байгуулна.

4.3. Захиалагч нь төмөр замын барилга байгууламжийг ашиглалтад оруулах хүсэлт гаргахын өмнө энэ журмын наймдугаар хавсралтад заасан баримт бичгийн бүрдлийг хангасан байна.

4.4. Төрийн захиргааны төв байгууллага нь төмөр замын барилга байгууламжийг ашиглалтад оруулах хүсэлтэд хавсаргасан баримт бичгийн бүрдлийг хянаж шаардлага хангасан бол төмөр замын барилга байгууламжийг ашиглалтад оруулах комиссыг дараах бүрэлдэхүүнтэй байгуулна.

4.4.1. Төмөр замын тээврийн тухай хуулийн 23.5-д заасан төмөр замын барилга байгууламжийг ашиглалтад оруулах улсын комиссын бүрэлдэхүүнийг гуравдугаар хавсралтын 2-т заасан бүрэлдэхүүнтэй;

4.4.2. Төмөр замын барилга байгууламж (шинээр барих, шинэчлэх)-ийг ашиглалтад оруулах техникийн комиссыг энэ журмын гуравдугаар хавсралтын 1-д заасан бүрэлдэхүүнтэй;

4.4.3. Салбар замын барилга байгууламж, төмөр замын объектыг ашиглалтад оруулах ажлын хэсгийг энэ журмын гуравдугаар хавсралтын 3-т заасан бүрэлдэхүүнтэй;

4.5. Төмөр замын барилга байгууламжийг ашиглалтад оруулах тухай комиссын дүгнэлт баталгаажсанаар тухайн төмөр зам, замын байгууламжийг ашиглалтад оруулсанд тооцно.

4.6. Төмөр замын барилга байгууламжийг ашиглалтад оруулсан хугацаа нь улсын комисс, захиалагч гарын үсэг зурсан өдөр байна.

4.7. Салбар зам, төмөр замын объектийг ашиглалтад хүлээн авах ажлын хэсэг нь энэхүү журам болон төмөр замын тээврийн дүрэм журам, үндэсний стандартын шаардлагын дагуу газар дээр нь шалгаж, дүгнэлт гаргана. Дүгнэлтэд дараах асуудлыг тусгасан байна:

4.7.1. салбар зам, төмөр замын объектийг холбогдох хууль тогтоомж, дүрэм журам, стандарт, нормын шаардлагад нийцэж байгаа эсэх;

4.7.2. барилгын ажлыг ажлын зургийн дагуу гүйцэтгэсэн эсэх, өөрчилсөн бол шалтгаан, зөв оновчтой хэрэгжүүлсэн эсэх;

4.7.3. салбар замын гүйцэтгэлийн зураг нь бодит байдалтай нийцэж байгаа эсэх;

4.7.4. салбар зам нь галт тэрэгний хөдөлгөөний аюулгүй байдлыг хангаж байгаа эсэх;

4.7.5. салбар зам нь ачаа боловсруулалт, хадгалалт, ачааны бүрэн бүтэн байдлын шаардлагыг хангаж байгаа эсэх;

4.7.6. салбар зам нь хөдөлмөрийн аюулгүй ажиллагааны шаардлагад нийцэж буй эсэх;

4.7.7. галт тэрэгний хөдөлгөөн, ачаа боловсруулалт, сэлгээний ажлуудын зохион байгуулалт, өртөө, зөрлөг, ачааны терминал, бусад салбар зам хоорондын харилцан ажиллагааны технологи;

4.7.8. зөвлөмж;

4.8. гүйцэтгэлийн зураг хийгдээгүй төмөр суурь бүтэц, салбар замыг ашиглалтад оруулахгүй;

4.9. комисс нь салбар зам, төмөр замын объектийг байнгын ашиглалтад хүлээн авах эсэх талаар шийдвэр гаргаж дүгнэлт гаргана. Тус дүгнэлтэд барилга байгууламжид шаардлагатай нэмэлт ажил, арилгах зөрчлийг тусгасан бол хүсэлт гаргагч нь хугацаанд нь холбогдох арга хэмжээ авч, биелэлтийг комисст тайлагнаж, дүгнэлтэд гарын үсэг зурж баталгаажуулна;

4.10. Дээрх шийдвэрийг үндэслэн төмөр замын тээврийн аюулгүй байдалтай холбоотой объектын гэрчилгээ олгоно;

Тав. Төмөр замын суурь бүтцийн барилга байгууламжийг ашиглалтад оруулах комиссын чиг үүрэг

5.1. Төмөр замын суурь бүтцийн барилга байгууламжийг ашиглалтад оруулах комисс дараах чиг үүргийг хэрэгжүүлнэ:

5.1.1. Төмөр замын тээврийн тухай хууль, холбогдох дүрэм, журам, стандарт зураг төсөл, техникийн баримт бичиг, хөдөлмөрийн аюулгүй байдал, байгаль орчинд үзүүлэх нөлөөллийн шаардлагыг хангасан төмөр замын суурь бүтцийн барилга байгууламжийг ашиглалтад оруулах;

5.1.2. Төмөр замын тээврийн тухай хуульд заасан хяналт хэрэгжүүлэх байгууллагаас хийсэн шалгалтаар төмөр замын барилгын ажлын явцад илэрсэн зөрчил дутагдлыг арилгасан эсэхийг дүгнэх;

5.1.3. Үндэсний стандарт, норм, дүрэм, зураг төсөл, техникийн шаардлагын дагуу хийгдээгүй буюу чанаргүй хийсэн, техник технологийн хяналт, Төмөр замын тээврийн тухай хуулийн 10.2.8-т заасан болон хяналтын байгууллагаас тавьсан шаардлага, техникийн комиссоос өгсөн үүрэг даалгаврыг биелүүлээгүй тохиолдолд ашиглалтад хүлээн авахыг хойшлуулах, холбогдох байгууллагаар хөндлөнгийн дүгнэлт гаргуулах;

5.1.4. Төмөр замын суурь бүтцийн барилга байгууламж нь зураг төсөлд тусгагдсан ажил, байгаль орчны нөхөн сэргээлтийн ажлууд дутуу хийгдсэн барилга угсралтын явцад хөрсний гэмтлийн нөхөн сэргээлт хийгээгүй, хүн амын аюулгүй байдлыг хангаагүй нөхцөлд төмөр замын суурь бүтцийг ашиглалтад хүлээж авахгүй;

5.2. Төмөр замын тээврийн тухай хуулийн 23.3-д заасан техникийн комисс нь дараах чиг үүргийг хэрэгжүүлнэ:

5.2.1. барилга байгууламжийг байнгын ашиглалтад оруулах урьдчилсан дүгнэлт гаргах;

5.2.2. комисс нь мэргэжлийн чиглэл, ажил үүргийн дагуу ажилласан гишүүдийн санал, дүгнэлтийг үндэслэн шийдвэр гаргах ба энэхүү шийдвэр нь Монгол Улсад мөрдөгдөж буй хууль тогтоомж, дүрэм, журамд нийцсэн байх;

5.2.3. төмөр замын суурь бүтцийн дагалдах барилга байгууламж, түүнд суурилагдсан тоног төхөөрөмж, инженерийн шугам сүлжээний туршилт тохируулга, зүгшрүүлэлт хийсэн дүгнэлт, баталгаажуулалт, техникийн баримт бичгийн бүрдүүлэлт хийсэн байдлыг шалгах;

5.3. Комисс ажилласнаас хойш комиссын гишүүдээс өгсөн үүрэг даалгаврыг ажлын 10 хоногийн дотор бүрэн биелүүлсэн тохиолдолд техникийн комиссын дүгнэлтийг баталгаажуулна.

Зургаа. Төмөр замын барилга байгууламжийг ашиглалтад оруулах комисс дүгнэлт гаргах

6.1. Төмөр замын суурь бүтцийн барилга байгууламжийг байнгын ашиглалтад оруулах комисс нь ашиглалтад оруулахтай холбоотой асуудлыг хурлаар хэлэлцэж дүгнэлт гаргана.

6.2. Комисс дүгнэлт гаргахын өмнө тухайн барилга байгууламжтай танилцан үзлэг хийж, зөрчил дутагдал илэрсэн бол түүнийг арилгуулахаар захиалагч, гүйцэтгэгчид үүрэг даалгавар өгнө.

6.3. Комиссын нарийн бичгийн дарга баримт бичгийн бүрдлийг хянаж, шаардлага хангасан гэж үзвэл комисс ажиллуулах мэдэгдлийг комиссын гишүүдэд тараах, гишүүдийн ирцийг бүрдүүлэх, комиссын хурлын бэлтгэл хангах, хурал зохион байгуулах, хурлын тэмдэглэл хөтөлж баталгаажуулах, дүгнэлт үйлдэх ажлыг хариуцна

6.4. Комиссын хурлыг гишүүдийн 90 хувиас доошгүй ирцтэй зохион байгуулна.

6.5. Комиссын үйл ажиллагааг дараах дарааллаар зохион байгуулна:

6.5.1. комисс ажиллахаас өмнө комиссын гишүүдийг томилсон шийдвэр ирцийг комиссын нарийн бичгийн дарга танилцуулж энэ журмын 6.4-т заасан ирц хангагдсан эсэхийг оролцогчдод мэдээлнэ;

6.5.2. комиссын дарга, гишүүдээс ашиг сонирхлын зөрчлөөс урьдчилан сэргийлэх ажлыг зохион байгуулна;

6.5.3. комиссын гишүүд төмөр замын барилга байгууламжийн болон техникийн баримт бичгийг шалгаж, төслийн талбайтай танилцана;

6.5.4. комиссын гишүүд хариуцсан асуудал тус бүрээр магадлах ажил хийж гүйцэтгэх шаардлагатай ажил, нэмэлт зөвлөмж танилцуулах бөгөөд барилга байгууламжийг ашиглалтад оруулах боломжтой эсэх талаар үндэслэл бүхий санал дүгнэлтээ бичгээр болон амаар танилцуулна;

6.5.5. комиссын дарга комиссын гишүүдийн олонхын саналд үндэслэн шаардлагатай тохиолдолд хугацаатай үүрэг даалгавар өгнө. Комиссын нарийн бичгийн дарга саналын эрхгүй оролцоно.

6.6. Комисс ажилласны дараа комиссын гишүүд өгсөн санал, үүрэг даалгаврын биелэлтийг шалгаж, биелэлт хангагдсан тохиолдолд энэ журмын зургаадугаар хавсралтад заасан үүрэг даалгаврын биелэлтийн хуудсанд гарын үсэг зурж баталгаажуулна.

6.7. Төмөр замын барилга байгууламжийг байнгын ашиглалтад оруулахаас татгалзсан дүгнэлт гаргасан, эсхүл өгсөн үүрэг даалгаврын биелэлт хугацаандаа хангагдаагүй бол комиссыг дахин ажиллуулна.

6.8. Ашиглалтад оруулах комисс, техникийн комиссыг ажиллахтай холбогдох зардлыг хүсэлт гаргагч хариуцна.

Долоо. Бүртгэл, мэдээлэл

7.1. Суурь бүтэц, салбар зам, төмөр замын объект, барилга байгууламжийг байнгын ашиглалтад оруулсны дараа комиссын нарийн бичгийн дарга нь баримт бичгийн бүрдлийг архив, албан хэрэг хөтлөлтийн хууль тогтоомж, байгууллагын архивын үйл ажиллагааны нийтлэг журмын дагуу бүрдүүлж үндэсний төв архивт хүлээлгэн өгөх ба хувийг төрийн захиргааны төв байгууллага болон төмөр замын тээврийн байгууллагын архивт хадгална.

7.2. Комиссын дүгнэлтийг кадастрын цахим мэдээллийн санд оруулах зорилгоор шаардлагатай мэдээллийг аймаг, нийслэлийн барилга, хот байгуулалт, газрын

харилцааны асуудал хариуцсан нэгжид хүргүүлэх ажлыг төрийн захиргааны байгууллага хариуцна.

Найм. Хариуцлага

8.1. Энэ журмыг зөрчсөн хуулийн этгээдэд Эрүүгийн хууль, Зөрчлийн тухай хуульд заасан хариуцлага хүлээлгэнэ.

___o0o___

Төмөр замын барилга байгууламжийн ажлыг эхлүүлэх, үргэлжлүүлэх ашиглалтад оруулах журмын 1 дүгээр хавсралт

**ТӨМӨР ЗАМЫН БАРИЛГА БАЙГУУЛАМЖИЙН АЖИЛ ЭХЛҮҮЛЭХ
ҮРГЭЛЖЛҮҮЛЭХ ЗӨВШӨӨРЛИЙН ГЭРЧИЛГЭЭ**

20 ... оны ... сарын
..... -ны өдөр

Дугаар...

Улаанбаатар хот

1. Төмөр замын барилга байгууламжийн мэдээлэл:

Төмөр замын барилга байгууламж, объектын нэр:.....
Хүчин чадал, байршил, хэмжээ, үндсэн хийц бүтээц:
Хаяг: аймаг /нийслэл/, сум /дүүрэг/
..... баг /хороо/, гудамж /хороолол/
Зургийн шифр:..... Магадлалын дугаар:
Зөвшөөрөл олгосон үе шатны ажлын нэр:.....
Зөвшөөрлийн хүчинтэй байх хугацаа:.....

2. Газар олгосон шийдвэрийн мэдээлэл:

Газар олгосон шийдвэр (захирамж): 20 оны сарын өдрийн дугаар
Байршил: аймаг /нийслэл/, сум /дүүрэг/
..... баг /хороо/, гудамж /хороолол/

3. Гүйцэтгэгч байгууллагын талаарх мэдээлэл:

Байгууллагын оноосон нэр:.....
Байгууллагын улсын бүртгэлийн гэрчилгээний дугаар, регистр:
Байгууллагын тусгай зөвшөөрлийн төрөл, дугаар:.....
Хаяг: аймаг /нийслэл/, сум /дүүрэг/
..... баг /хороо/, гудамж /хороолол/
Холбоо барих: цахим хаяг, утасны дугаар

4. Захиалагч байгууллагын талаарх мэдээлэл:

Байгууллагын оноосон нэр:
Байгууллагын улсын бүртгэлийн гэрчилгээний дугаар, регистр:
Хаяг: аймаг /нийслэл/, сум /дүүрэг/
..... баг /хороо/, гудамж /хороолол/
Холбоо барих: цахим хаяг, утасны дугаар

5. Техник, технологийн хяналтын зөвлөх үйлчилгээг эрхлэгч байгууллагын талаарх мэдээлэл:

Байгууллагын оноосон нэр:
Байгууллагын улсын бүртгэлийн гэрчилгээний дугаар, регистр:
Байгууллагын тусгай зөвшөөрлийн төрөл, дугаар:.....

Хаяг: аймаг /нийслэл/, сум /дүүрэг/
..... баг /хороо/, гудамж /хороолол/
Холбоо барих: цахим хаяг, утасны дугаар

6. Зураг төсөл зохиогч байгууллагын талаарх мэдээлэл:

Байгууллагын оноосон нэр:.....
Байгууллагын улсын бүртгэлийн гэрчилгээний дугаар, регистр:
Байгууллагын тусгай зөвшөөрлийн төрөл, дугаар:.....
Хаяг: аймаг /нийслэл/,..... сум /дүүрэг/
..... баг /хороо/, гудамж
Холбоо барих:..... цахим хаяг, утасны дугаар

7. Онцгойлон заах нөхцөл:.....

8. Дуусах үед нь зөвшөөрөл олгогчид заавал танилцуулж байх үндсэн үе шатны ажлууд:.....

9. Зөвшөөрөл олгогч байгууллагын тусгай тэмдэглэл:

10. Зөвшөөрөл олгосон албан тушаалтны мэдээлэл:
байгууллагын нэр, албан тушаал,
овог нэр,..... гарын үсэг, (тамга, тэмдэг)

Төмөр замын барилга байгууламжийн ажлыг эхлүүлэх, үргэлжлүүлэх ашиглалтад оруулах журмын 2 дугаар хавсралт

**ТӨМӨР ЗАМЫН БАРИЛГА БАЙГУУЛАМЖИЙН АЖИЛ
ЭХЛҮҮЛЭХ, ҮРГЭЛЖЛҮҮЛЭХ ЗӨВШӨӨРЛИЙН ХУГАЦААНЫ СУНГАЛТ**

1. Төмөр замын барилга байгууламжийн ажлын зөвшөөрлийн хугацааг сунгах шалтгаан:
2. Төмөр замын барилга байгууламжийн ажлын төлөв байдал: үе шат, гүйцэтгэсэн ажлын нэр, төрөл;
3. Төмөр замын барилгын ажил гүйцэтгэх хугацаа:
4. Төмөр замын барилгын ажлын зөвшөөрлийн хугацааг сунгасан ажилтны мэдээлэл: байгууллагын нэр, албан тушаал, овог нэр, / / гарын үсэг, (тамга тэмдэг)

Төмөр замын барилга байгууламжийн ажлыг эхлүүлэх, үргэлжлүүлэх ашиглалтад оруулах журмын 3 дугаар хавсралт

ТӨМӨР ЗАМЫН БАРИЛГА БАЙГУУЛАМЖИЙГ АШИГЛАЛТАД ОРУУЛАХ КОМИССЫН БҮРЭЛДЭХҮҮН

1. Төмөр замын тээврийн тухай хуулийн 23.3-д заасан төмөр замын барилга байгууламжийг ашиглалтад оруулах Техникийн комиссын бүрэлдэхүүн:

Комиссын дарга: -Төмөр замын асуудал хариуцсан төрийн захиргааны төв байгууллагын төлөөлөл;

Нарийн бичгийн дарга: -Төмөр замын асуудал хариуцсан төрийн захиргааны байгууллагын хяналтын нэгжийн төлөөлөл;

Гишүүд: -Төмөр замын асуудал хариуцсан төрийн захиргааны байгууллагын төлөөлөл (салбар тус бүр нэг);

-Онцгой байдлын ерөнхий газрын төлөөлөл;

-Техник, технологийн хяналтын төлөөлөл;

-Инженерийн хангамжийн байгууллагын төлөөлөл (тухай чиглэлийн дагуу ажил хийгдсэн тохиолдолд);

-Зураг төсөл зохиогч байгууллагын төлөөлөл (холбогдох зураг төсөл зохиогчид);

-Захиалагч, захиалагчийн хяналтын байгууллагын төлөөлөл;

-Ашиглалт хариуцсан байгууллагын төлөөлөл;

-Байгаль орчны асуудал хариуцсан орон нутгийн төлөөлөл;

-Архивын байгууллагын төлөөлөл;

2. Төмөр замын тээврийн тухай хуулийн 11.1.5, 23.5-д заасан төмөр замын барилга байгууламжийг ашиглалтад оруулах Улсын комиссын бүрэлдэхүүн:

Комиссын дарга: -Холбогдох төрийн захиргааны төв байгууллагын асуудал хариуцсан нэгжийн дарга

Нарийн бичгийн дарга: -Төмөр замын асуудал хариуцсан төрийн захиргааны нэгжийн дарга

Гишүүд: -Төмөр замын асуудал хариуцсан төрийн захиргааны хяналтын нэгжийн төлөөлөл

-Төмөр замын асуудал хариуцсан төрийн захиргааны нэгжийн төлөөлөл

-Захиалагч байгууллагын төлөөлөл

-Ашиглагч байгууллагын төлөөлөл

-Зураг төслийн байгууллагын төлөөлөл (холбогдох зураг төсөл зохиогчид);

-Архивын байгууллагын төлөөлөл.

Тайлбар: Төлөөллийн тоо заагаагүй бол нэг гэж ойлгоно.

3. Төмөр замын тээврийн тухай хуулийн 32-д заасан салбар замыг /шинээр барих өргөтгөх, шинэчлэх/ ашиглалтад оруулах Ажлын хэсгийн бүрэлдэхүүн:

- Ажлын хэсгийн ахлагч: - Төрийн захиргааны төв байгууллагын асуудал хариуцсан нэгжийн төлөөлөл;
- Нарийн бичгийн дарга: - Төмөр замын асуудал хариуцсан төрийн захиргааны хяналтын нэгжийн төлөөлөл
- Гишүүд: - Төмөр замын асуудал хариуцсан төрийн захиргааны нэгжийн төлөөлөл
- Төмөр замын суурь бүтцийн үйлчилгээ үзүүлэгч байгууллагын төлөөлөл;
- Захиалагч байгууллагын төлөөлөл;
- Зураг төслийн байгууллагын төлөөлөл (холбогдох зураг төсөл зохиогчид);
- Гүйцэтгэгч байгууллагын төлөөлөл;
- Шаардлагатай тохиолдолд инженерийн хангамжийн байгууллагын төлөөлөл;

Тайлбар: Төлөөллийн тоо заагаагүй бол нэг гэж ойлгоно.

Төмөр замын барилга байгууламжийн ажлыг эхлүүлэх, үргэлжлүүлэх ашиглалтад оруулах журмын 4 дүгээр хавсралт

ТӨМӨР ЗАМЫН БАРИЛГА БАЙГУУЛАМЖИЙГ АШИГЛАЛТАД ОРУУЛАХ УЛСЫН КОМИССЫН ДҮГНЭЛТ

Дугаар...

20...оны ... сарын ...-ны өдөр

Улаанбаатар хот

Нэг. Удиртгал хэсэг

Монгол Улсын аймаг, /нийслэл/, сум /дүүрэг/
..... баг /хороо/-ны нутаг дэвсгэрт баригдсан чиглэлийн
хүчин чадал бүхий зэрэглэлийн зориулалттай төмөр замын
барилга байгууламжид сайдын 20 ... оны сарын ... -ны
өдрийн дугаар шийдвэрээр байгуулагдсан хүний бүрэлдэхүүнтэй төмөр замын
барилга байгууламжийг ашиглалтад оруулах Улсын комисс 20 ... оны сарын ... -
ны өдрөөс эхлэн хоногийн хугацаанд ажиллан
төмөр замын барилга байгууламж, түүний холбогдох баримт бичигт үзлэг шалгалт
хийв.

Хоёр. Ерөнхий мэдээлэл

2.1. Төмөр замын барилга байгууламжийн ажлын зөвшөөрлийн гэрчилгээ:
..... огноо, дугаар;

2.2. Төмөр замын барилга байгууламжийн зураг төслийн шифр дугаар:

2.3. Захиалагч: /Иргэний хувьд/, харьяалал /аль улсын/,
ургын овог, эцэг /эх/-ийн нэр, нэр

Регистрийн дугаар:

Хаяг: аймаг /нийслэл/, сум /дүүрэг/, баг
/хороо/, гудамж /хороолол/, байр /хашаа, хаалга/-ны дугаар

Холбоо барих утас: Цахим хаяг:.....

/Хуулийн этгээдийн хувьд/: оноосон нэр

Улсын бүртгэлийн гэрчилгээний дугаар:

Хаяг: аймаг /нийслэл/, сум /дүүрэг/,
баг /хороо/, гудамж /хороолол/, байр /хашаа
хаалга/-ны дугаар

Холбоо барих утас: Цахим хаяг:.....

2.4. Төмөр замын барилга байгууламжийн ажлын гүйцэтгэгч: оноосон
нэр

Улсын бүртгэлийн гэрчилгээний дугаар:

Барилгын ажил гүйцэтгэх тусгай зөвшөөрлийн дугаар:

Хаяг: аймаг /нийслэл/, сум /дүүрэг/, баг
/хороо/, гудамж /хороолол/, байр /хашаа, хаалга/-ны
дугаар

Холбоо барих утас: Цахим хаяг:.....

2.5. Төмөр замын барилга байгууламжийн ажлын Туслан гүйцэтгэгч байгууллага:
 оноосон нэр
 Улсын бүртгэлийн гэрчилгээний дугаар:
 Хаяг: аймаг /нийслэл/, сум /дүүрэг/
 баг /хороо/, гудамж
 /хороолол/, байр /хашаа, хаалга/-ны дугаар
 Холбоо барих утас: Цахим хаяг:.....

2.6. Төмөр замын барилга байгууламжийн зураг төсөл зохиогч байгууллага:
 оноосон нэр,
 Улсын бүртгэлийн гэрчилгээний дугаар,
 Зураг төсөл боловсруулах тусгай зөвшөөрлийн дугаар:
 Хаяг: аймаг /нийслэл/, сум
 /дүүрэг/, баг /хороо/, гудамж /хороолол/, байр
 /хашаа, хаалга/-ны дугаар
 Холбоо барих утас: Цахим хаяг:.....

2.7. Төмөр замын барилга байгууламжийн ашиглагч, өмчлөгч байгууллага:
 оноосон нэр
 Улсын бүртгэлийн гэрчилгээний дугаар:
 Хаяг: аймаг /нийслэл/, сум /дүүрэг/
 баг /хороо/, гудамж /хороолол/
 байр /хашаа, хаалга/-ны дугаар
 Холбоо барих утас: Цахим хаяг:.....

2.8. Төмөр замын барилга байгууламжийн төлөв байдал:

Гурав. Дүгнэлтийн хэсэг

3.1. Энэхүү хүчин чадал бүхий зэрэглэлийн зориулалттай төмөр замын барилга байгууламж, түүний холбогдох баримт бичигт үзлэг шалгалт хийж, барилгын ажлын гүйцэтгэл, чанарт үнэлгээ, дүгнэлт өгсний үндсэн дээр комиссоос ДҮГНЭСЭН нь: (доорх сонголтоос дугуйлах)

Төмөр замын барилга байгууламжийг ашиглалтад оруулах

-Төмөр замын тээврийн тухай хуулийн 23 дугаар зүйлийн 23.1, 23.2, 23.6 дахь заалтад заасан шаардлагыг хангаж, барилгын ажлын зохих зөвшөөрөл, зураг төслийн дагуу бүрэн хийгдэж, хууль тогтоомжид заасан шаардлагыг хангасан тул

Төмөр замын барилга байгууламжийг ашиглалтад оруулахаас татгалзах

-Төмөр замын тээврийн тухай хуулийн 23 дугаар зүйлийн 23.1, 23.2, 23.6 дахь заалтад заасан шаардлагыг хангаагүй, барилгын ажлын зохих зөвшөөрөл зураг төслийн дагуу бүрэн хийгдээгүй, хууль тогтоомжид заасан шаардлагыг хангаагүй тул

-Заасан хугацаанд үүрэг даалгаврын биелэлт хангаагүй тул

3.2. Төмөр замын барилга байгууламжийг ашиглалтад оруулахтай холбогдуулан захиалагч, гүйцэтгэгч, зураг төсөл зохиогч байгууллагуудад даалгах нь:

а). Төмөр замын барилга байгууламжийн иж бүрэн баримт бичгийн эх хувийг архивд, үлдэх хувийг ашиглагч буюу өмчлөгч, эзэмшигч байгууллагад хоногийн дотор багтаан шилжүүлэх;

б). Төмөр замын барилга байгууламжийг ашиглалтад оруулах, зүгшрүүлэх тохируулах хугацаанд ашиглалтын хэвийн нөхцөлийг хангах, уг хугацаа дуусгавар болохтой холбоотой хууль тогтоомжид заасан үйл ажиллагааг хэрэгжүүлэх.

3.3. Суурь бүтэц эзэмшигч байгууллагад:

а). Төмөр замын барилга байгууламжийг ашиглалтад зүгшрүүлэх, тохируулах хугацааг дуусгавар болгоход оролцох;

б). Төмөр замын барилга байгууламжийн хувийн хэргийг хөтөлж эхлүүлэх;

в). Төмөр замын барилга байгууламжийн хэвийн ашиглалттай холбоотой хууль тогтоомжийн хэрэгжилтийг хангаж ажиллахыг үүгээр даалгаж байна.

3.4. Комиссын акт ... хуудас, хуралдааны тэмдэглэл ... хуудас, комиссоос өгсөн үүрэг даалгаврын биелэлтийн жагсаалт ... хуудас материал болон төмөр замын барилга байгууламжийн бичиг баримтын жагсаалт болох ... хуудас материалыг дүгнэлтэд хавсаргаж байна.

Дөрөв. Дүгнэлтийн баталгаажуулалт

4.1. чиглэлийн жилд хүчин чадал бүхий зэрэглэлийн төмөр замын барилга байгууламжийг ашиглалтад оруулах дүгнэлт гаргасан:

Комиссын дарга: ()

Нарийн бичгийн дарга: ()

Гишүүд: ()

***Энэ журмын 7 дугаар хавсралтын хамт хүчинтэй.

Төмөр замын барилга байгууламжийн ажлыг эхлүүлэх, үргэлжлүүлэх ашиглалтад оруулах журмын 5 дугаар хавсралт

ТӨМӨР ЗАМЫН БАРИЛГА БАЙГУУЛАМЖИЙГ АШИГЛАЛТАД ОРУУЛАХ ТЕХНИКИЙН КОМИССЫН ДҮГНЭЛТ

Дугаар...

20...оны ... сарын ...-ны өдөр

Улаанбаатар хот

Нэг. Удиртгал хэсэг

Монгол Улсын аймаг, /нийслэл/, сум /дүүрэг/ баг /хороо/-ны нутаг дэвсгэрт баригдсан чиглэлийн хүчин чадал бүхий зэрэглэлийн зориулалттай төмөр замын барилга байгууламжид сайдын 20 ... оны сарын ... -ны өдрийн дугаар шийдвэрээр байгуулагдсан ... хүний бүрэлдэхүүнтэй төмөр замын барилга байгууламжийг ашиглалтад оруулах Техникийн комисс 20 ... оны сарын ... -ны өдрөөс эхлэн хоногийн хугацаанд ажиллан төмөр замын барилга байгууламж, түүний холбогдох баримт бичигт үзлэг шалгалт хийв.

Хоёр. Ерөнхий мэдээлэл

2.1. Төмөр замын барилга байгууламжийн ажлын зөвшөөрлийн гэрчилгээний дугаар: огноо, дугаар;

2.2. Төмөр замын барилга байгууламжийн зураг төслийн шифр дугаар: ;

2.3. Захиалагч байгууллага:

Байгууллагын нэр	Улсын бүртгэлийн гэрчилгээний дугаар	Хаяг	Холбоо барих утас	Цахим шуудан

2.4. Төмөр замын барилгын ажлын гүйцэтгэгч байгууллага:

Байгууллагын нэр	Улсын бүртгэлийн гэрчилгээний дугаар	Хаяг	Барилгын ажил гүйцэтгэх тусгай зөвшөөрлийн дугаар	Холбоо барих утас	Цахим шуудан

2.5. Төмөр замын барилгын ажлын туслан гүйцэтгэгч байгууллага:

Байгууллагын нэр	Улсын бүртгэлийн	Хаяг	Барилгын ажил	Холбоо барих утас	Цахим шуудан

	гэрчилгээний дугаар		гүйцэтгэх тусгай зөвшөөрлийн дугаар		

2.6. Төмөр замын барилга байгууламжийн зураг төсөл зохиогч байгууллага:

Байгууллагын нэр	Улсын бүртгэлийн гэрчилгээний дугаар	Хаяг	Зураг төслийн тусгай зөвшөөрлийн дугаар	Холбоо барих утас	Цахим шуудан

2.7. Төмөр замын барилга байгууламжийн суурь бүтэц эзэмшигч байгууллага:

Байгууллагын нэр	Улсын бүртгэлийн гэрчилгээний дугаар	Хаяг	Тусгай зөвшөөрлийн дугаар	Холбоо барих утас	Цахим шуудан

2.8. Төмөр замын барилга байгууламжийн төлөв байдал:

Гурав. Дүгнэлтийн хэсэг

3.1. Энэхүү чиглэлийн хүчин чадал бүхий зэрэглэлийн зориулалттай төмөр замын барилга байгууламж түүний холбогдох баримт бичигт үзлэг шалгалт хийж, барилгын ажлын гүйцэтгэл чанарт үнэлгээ, дүгнэлт өгсний үндсэн дээр комиссоос ДҮГНЭСЭН нь:

(Доорх сонголтоос сонгох)

- Төмөр замын барилга байгууламжийг ашиглалтад оруулах комиссыг ажиллуулах

-Төмөр замын тээврийн тухай хуулийн 23 дугаар зүйлийн 23.1, 23.2, 23.6 дахь заалтад заасан шаардлагыг хангаж, барилгын ажлын зохих зөвшөөрөл, зураг төслийн дагуу бүрэн хийгдэж, хууль тогтоомжид заасан шаардлагыг хангасан тул

- Төмөр замын барилга байгууламжийг ашиглалтад оруулах комиссыг ажиллуулахаас татгалзах

-Төмөр замын тээврийн тухай хуулийн 23 дугаар зүйлийн 23.1, 23.2, 23.6 дахь заалтад заасан шаардлагыг хангаагүй, барилгын ажлын зохих зөвшөөрөл зураг төслийн дагуу бүрэн хийгдээгүй, хууль тогтоомжид заасан шаардлагыг хангаагүй тул

-Заасан хугацаанд үүрэг даалгаврын биелэлт хангаагүй тул

3.2. Төмөр замын барилга байгууламжийг ашиглалтад оруулах болсонтой холбогдуулан захиалагч, гүйцэтгэгч, зураг төсөл зохиогч байгууллагуудад даалгах нь:

а) улсын комисс ажилласны дараа төмөр замын барилга байгууламжийн иж бүрэн баримт бичгийн эх хувийг архивд, үлдэх хувийг ашиглагч буюу өмчлөгч эзэмшигч байгууллагад хоногийн дотор багтаан шилжүүлэх;

б) Төмөр замын барилга байгууламжийг ашиглалтад оруулах, зүгшрүүлэх тохируулах хугацаанд ашиглалтын хэвийн нөхцөлийг хангах, уг хугацаа дуусгавар болохтой холбоотой хууль тогтоомжид заасан үйл ажиллагааг хэрэгжүүлэх.

3.3. Суурь бүтэц эзэмшигч байгууллагад даалгах нь:

а) Төмөр замын барилга байгууламжийг ашиглалтад оруулах, зүгшрүүлэх тохируулах хугацааг дуусгавар болгоход оролцох;

б) Төмөр замын барилга байгууламжийн хувийн хэргийг хөтөлж эхлүүлэх;

в) Төмөр замын барилга байгууламжийн хэвийн ашиглалттай холбоотой хууль тогтоомжийн хэрэгжилтийг хангаж ажиллахыг үүгээр даалгаж байна.

3.4. Техникийн комиссын дүгнэлт ... хуудас, хуралдааны тэмдэглэл ... хуудас комиссоос өгсөн үүрэг даалгаврын жагсаалт ... хуудас материал, үүрэг даалгаврын биелэлтийн хуудас материал болон барилга байгууламжийн бичиг баримтын жагсаалт болох ... хуудас материал, зураг төслийн шифр дугаарын жагсаалт -ыг дүгнэлтэд хавсаргаж байна.

Дөрөв. Дүгнэлтийн баталгаажуулалт

4.1. чиглэлийн жилд хүчин чадал бүхий зэрэглэлийн төмөр замын барилга байгууламжийг ашиглалтад оруулах дүгнэлт гаргасан:

Комиссын дарга: ()

Нарийн бичгийн дарга: ()

Гишүүд: ()

***Энэ журмын 7 дугаар хавсралтын хамт хүчинтэй.

Төмөр замын барилга байгууламжийн ажлыг эхлүүлэх, үргэлжлүүлэх ашиглалтад оруулах журмын 6 дугаар хавсралт

ТӨМӨР ЗАМЫН БАРИЛГА БАЙГУУЛАМЖИЙГ АШИГЛАЛТАД ОРУУЛАХ КОМИССЫН ГИШҮҮНИЙ САНАЛЫН ХУУДАС

Барилга байгууламжийн нэр:

Харъяа байгууллага:

Албан тушаал:

Комиссын гишүүний нэр:

Гишүүнээс өгсөн үүрэг даалгавар	Биелэлт
Шийдвэр:	
Гарын үсэг: /Тамга, тэмдэг/ Гарын үсгийн тайлал / / Огноо:	Гарын үсэг: /Тамга, тэмдэг/ Гарын үсгийн тайлал / / Огноо:

Төмөр замын барилга байгууламжийн ажлыг эхлүүлэх, үргэлжлүүлэх ашиглалтад оруулах журмын 7 дугаар хавсралт

**ТӨМӨР ЗАМЫН БАРИЛГА БАЙГУУЛАМЖИЙН АЖЛЫГ ЭХЛҮҮЛЭХ
ҮРГЭЛЖЛҮҮЛЭХ ЗӨВШӨӨРӨЛ ОЛГОХОД БҮРДҮҮЛЭХ БИЧИГ, БАРИМТЫН
ЖАГСААЛТ**

№	Бүрдүүлэх бичиг, баримт
А. Төмөр замын барилга байгууламжийн ажлыг эхлүүлэх зөвшөөрөл олгоход бүрдүүлэх бичиг, баримт	
1	Захиалагч байгууллагын ажил эхлүүлэх зөвшөөрөл хүссэн албан бичиг
2	Гүйцэтгэгч байгууллагын улсын бүртгэлийн гэрчилгээ болон төмөр замын суурь бүтэц угсрах, барих тусгай зөвшөөрлийн хуулбар
3	Төмөр замын барилга байгууламжийн барилга угсралтын ажил гүйцэтгэх гэрээ
4	Улаан шугам хүлээлцсэн акт
5	Магадлал хийгдсэн тухайн төмөр замын барилга байгууламжийн иж бүрэн зураг төсөл, экспертизийн дүгнэлт
6	Төмөр замын барилга байгууламжийн барилга угсралтын ажилд техник, технологийн хяналт гүйцэтгэх хуулийн этгээдтэй байгуулсан гэрээ
7	Засаг захиргаа, нутаг дэвсгэрийн нэгжээс газар олгосон шийдвэр, техникийн нөхцөлүүд
8	Байгаль орчинд нөлөөлөх байдлын ерөнхий үнэлгээ, шаардлагатай бол байгаль орчинд нөлөөлөх байдлыг албажуулсан нарийвчилсан үнэлгээ /салбар замд хамаарахгүй/
9	Археологи, палеонтологи, угсаатны зүйн судалгааны тайлан /зураг төслийн шатанд хийгдсэн тохиолдолд/
Б. Төмөр замын барилга байгууламжийн ажлыг үргэлжлүүлэх зөвшөөрөл олгоход бүрдүүлэх бичиг, баримт	
1	Төмөр замын тээврийн асуудал эрхэлсэн төрийн захиргааны төв байгууллагад ажил үргэлжлүүлэх зөвшөөрөл хүссэн захиалагчийн албан хүсэлт
2	Ажил зогсоох шийдвэр гаргасан холбогдох эрх бүхий байгууллагын ажил үргэлжлүүлэхийг зөвшөөрсөн шийдвэр, дүгнэлт
3	Зөрчил, дутагдлыг арилгасан тухай баримт, гүйцэтгэсэн ажлын тайлан
4	Барилгын ажил зогссон хугацаанаас хойш үргэлжлүүлэх хүртэлх хугацаанд барилгын хадгалалт хамгаалалтын ажил гүйцэтгэсэн тайлан

Төмөр замын барилга байгууламжийн ажлыг эхлүүлэх, үргэлжлүүлэх ашиглалтад оруулах журмын 8 дугаар хавсралт

ТӨМӨР ЗАМЫН БАРИЛГА БАЙГУУЛАМЖИЙГ АШИГЛАЛТАД ОРУУЛАХАД БҮРДҮҮЛСЭН БАЙХ ШААРДЛАГАТАЙ БИЧИГ БАРИМТЫН ЖАГСААЛТ

№	Баримт бичгийн жагсаалт
1	Төмөр замын суурь бүтэц барьж байгуулах тухай Улсын Их Хурлаас баталсан тогтоол, шийдвэрийн албан ёсоор баталгаажсан эрх зүйн баримт бичгийн хуулбар
2	Барилгын ажил эхлүүлэх, үргэлжлүүлэх зөвшөөрөл олгосон Төрийн захиргааны төв байгууллагын холбогдох шийдвэр, эрх зүйн баримт бичиг
3	Бүтээн байгуулалттай холбоотой Улсын Их хурал, Засгийн газар, Төрийн захиргааны байгууллагын холбогдох шийдвэр эрх зүйн баримт бичгийн хуулбарын эмхэтгэл
4	Тухайн барилга байгууламжийг барихтай холбоотой тусгай зөвшөөрлийн хуулбар
5	Захиалагч, зөвлөх үйлчилгээ эрхлэгч, ерөнхий гүйцэтгэгч, туслан гүйцэтгэгч аж ахуй нэгжүүдийн Улсын бүртгэлийн гэрчилгээний хуулбар
6	Бүтээн байгуулалтын ажлын нэгдсэн товч тайлан
7	Улаан шугам хүлээлцсэн акт
8	Суурь бүтцийн барилгын ажлын үе шатны гүйцэтгэлийн тайлан, талбайн улаан дэвтэр
9	Барилга угсралтын явцын ажил шалгуулах хүсэлт
10	Засаг даргын газар олгосон захирамж, газар эзэмших эрхийн гэрчилгээ, кадастрын зураг, түүнтэй адилтгах баримт бичиг буюу Засгийн газрын тогтоол
11	Гол зам, өртөө зөрлөгийн зам, замын байгууламж, дохиолол холбоо, эрчим хүчний ажлын гүйцэтгэлийн зураг
12	Замын байдал хэмжсэн тайлан (Зам, хэмжигч, сэв шалгах вагоны тайлан)
13	Техник ашиглалтын түвшин тогтоох, чанар байдлын дүгнэлт
14	Суурь бүтцийн бүрдэл хэсгийн тоног төхөөрөмж угсарсан акт, холбогдох байгууллагаар баталгаажуулсан тоног төхөөрөмжийн туршилтын баримт бичиг, тоног төхөөрөмжийг зааврын дагуу суурилуулсан эсэхэд хийсэн туршилтын дүгнэлт
15	Захиалагчийн техникийн хяналтын нэгдсэн дүгнэлт
16	Зураг төсөл зохиогчийн хяналтын нэгдсэн дүгнэлт
17	Суурь бүтцийн барилга байгууламжийн хийц, бүтээцийн өөрчлөлтийн зураг төсөл, зураг төсөл зохиогчийн зөвшөөрөл, магадлалын дүгнэлт
18	Ил, далд ажлын акт (зам, замын байгууламж, гүүр хоолой, дохиолол холбоо, эрчим хүч, барилга байгууламж)
19	Замын паспортын материал (Замын техникийн байдлын тодорхойлолт, дээд бүтцийн материалын тоо ширхэг гэх мэт)
20	Гүүр, хоолойн паспорт (Техникийн үндсэн тодорхойлолт, километрийн байршил, схем зураг)
21	Эрчим хүчний хангамжийн схем зураг, паспорт, холбогдох дүгнэлтүүд
22	Дохиолол холбооны схем зураг, паспорт, холбогдох дүгнэлтүүд, хамаарал шалгасан хүснэгт
23	Өртөө, зөрлөгүүдийн техник захирамжийн акт
24	Өртөө зөрлөгүүдийн барилга байгууламж болон техникийн зориулалттай барилга байгууламжийн гүйцэтгэлийн зураг төсөл, холбогдох дүгнэлтүүд

25	Онцгой байдлын газраас гаргасан дүгнэлт
26	Лабораторийн туршилт шинжилгээний дүгнэлт
27	Геодезийн гүйцэтгэлийн байр зүйн зураг, тайлан
28	Инженер геологи судалгааны тайлан
29	Археологийн авран хамгаалах ажлын тайлан
30	Төмөр замын чигийн дагуу хийгдсэн ус зүйн судалгааны тайлан
31	Байгаль орчны нарийвчилсан үнэлгээний тайлан
32	Засаг даргын газар олгосон захирамж, карьеруудын нөхөн сэргээсэн актууд (Байгаль орчны Улсын байцаагчаар баталгаажуулсан)
33	Зөвлөх үйлчилгээ үзүүлэгчийн зам, замын байгууламжийн чанар байдлын талаар гаргасан нэгдсэн дүгнэлт
34	Нийт барилга угсралтын хугацаанд Зөвлөх үйлчилгээ үзүүлэгчийн зүгээс өгсөн зөвлөмж, акт, албан шаардлагын эмхэтгэл ба түүний тайлан, тайлбарын хамт
35	Барилга угсралтын хэрэгжилтийн явцад салбар яам, салбарын хяналтын газар болон мэргэжлийн хяналтын улсын байцаагч нарын зүгээс барилгын ажлын явцад хийсэн Төрийн хяналт шалгалтын дагуу өгөгдсөн үүрэг даалгавар, албан шаардлагын биелэлтийн тайлан
36	Барилга угсралтын хугацаанд Орон нутгийн удирдлагын байгууллагаас хандсан албан тоот, захирамж болон бусад албан баримт бичгүүдийн эмхэтгэл
37	Суурь бүтэц ашиглагч, суурь бүтцийн үйлчилгээ үзүүлэгчийг тогтоон, шийдвэрлэсэн баримт бичгийн хуулбар
38	Техникийн комисс, Улсын комиссын акт, хэрэгжүүлэгч байгууллагад өгөгдсөн үүрэг даалгаврын биелэлтийн тайлан
39	Улсын комиссын ажиллах үед салбарын онцлогоос шалтгаалсан нэмэлт баримт бичиг